


# შპს „საქართველოს აეროპორტების გაერთიანება“



## ელექტრონული ტენდერის დოკუმენტაცია

თბილისის საერთაშორისო აეროპორტის პერიმეტრული ღობის სტანდარტებთან შესაბამისობაში  
მოსაყვანი სამუშაოების - (CPV-45342000)  
სახელმწიფო შესყიდვის შესახებ

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 121 მუხლის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების საფუძველზე

ქ. თბილისი  
2016 წელი

## სარჩევი

- ტექნიკური დოკუმენტაცია
- სახელმწიფო შესყიდვის შესახებ ხელშეკრულების პროექტი
- დანართი N1 რეკვიზიტები
- დანართი N2 სატენდერო წინადადების ფასი და ხარჯთაღრიცხვა

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

## 1. ტექნიკური დოკუმენტაცია

*პრეტენდენტის მიერ სისტემაში უნდა აიტვირთოს შემდეგი სახის დოკუმენტები:*

- ა) პრეტენდენტის რეკვიზიტები დანართი №1-ის მიხედვით;
- ბ) სამუშაოს საერთო ღირებულების ფარგლებში შედგენილი ხარჯთაღრიცხვა დოკუმენტაციით განსაზღვრული სამუშაოების მოცულობების შესაბამისად ატვირთული ექსელის ცხრილის მიხედვით.  
ხარჯთაღრიცხვის წარმოდგენლობა ან/და ხარჯთაღრიცხვაში არსებითი შეუსაბამობა გამოიწვევს პრეტენდენტის დისკვალიფიკაციას ყოველგვარი დაზუსტების პროცედურების გარეშე.  
ზედნადები ხარჯების და გეგმიური მოგების ზღვრული პროცენტული მაჩვენებელი უნდა განისაზღვროს
- „სამშენებლო სამუშაოების სახელმწიფო შესყიდვისას ზედნადები ხარჯების და გეგმიური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის N1-1/1463 ბრძანების,
- ტექნიკური რეგლამენტის - „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმიური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის №55 დადგენილების და სხვა მოქმედი კანონმდებლობის შესაბამისად;
- გ) ინფორმაცია კომპანიის მიერ ბოლო ორი წლის განმავლობაში მსგავსი სამუშაოების განხორციელების შესახებ (არანაკლებ ერთი პროექტი), დამკვეთების მითითებით.

## 2. ანგარიშსწორების პირობები:

- 2.1. ანგარიშსწორება შესაძლოა განხორციელდეს ეტაპობრივად შესრულებული სამუშაოების მიხედვით, ხელშეკრულებით განსაზღვრული შესაბამისი დოკუმენტაციის (შუალედური მიღება-ჩაბარების აქტი, ფორმა №2 და საგადასახადო ანგარიშფაქტურა და სხვ.) სრულყოფილად წარდგენის შემდგომ.
- 2.2. ხელშეკრულების საერთო ღირებულების 2% დაკავებული იქნება საბოლოო მიღება - ჩაბარების აქტის გაფორმებიდან 1 (ერთი) წლის განმავლობაში, ამ პერიოდში შესაძლო გამოვლენილი ხარვეზების მიმწოდებლის მიერ შეუფერხებლად აღმოფხვრის უზრუნველყოფის მიზნით. თანხის დაკავების ნაცვლად, შესაძლებელია, რომ მიმწოდებელმა წარმოადგინოს შესაბამისი ოდენობის თანხაზე საბანკო დაწესებულების მიერ გაცემული საბანკო გარანტია შემსყიდველთან შეთანხმებული ფორმით, რომელიც მოქმედი იქნება იმავე ვადით - საბოლოო მიღება - ჩაბარების აქტის გაფორმებიდან 1 (ერთი) წლის განმავლობაში.
- 2.3. საბოლოო მიღება-ჩაბარების აქტის გაფორმებამდე შემსყიდველი ორგანიზაცია ჩაატარებს შესრულებული სამუშაოების მოცულობების და ხარისხის თაობაზე შემოწმებას (ექსპერტიზა). სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული საექსპერტო ბიუროს მიერ მომზადებული დასკვნის შინაარსი გათვალისწინებული იქნება საბოლოო მიღება-ჩაბარების აქტის შედგენისა და საბოლოო ურთიერთანგარიშსწორების განსაზღვრისათვის.
- 2.4. წინასწარი ანგარიშსწორება (ავანსი) არ გამოიყენება.

### 3. სამუშაოს მიწოდების ვადა:

3.1. სამუშაოების შესრულების (მიწოდების) ვადა არ უნდა აღემატებოდეს ხელშეკრულების გაფორმებიდან 45 (ორმოცდახუთი) სამუშაო დღეს. მიწოდების ადგილი: თბილისის საერთაშორისო აეროპორტი.

### 4. დამატებითი ინფორმაცია ტენდერში მონაწილეთათვის:

- 4.1. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული ელექტრონული ტენდერის და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (სტატუსი - წინადადების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს აღნიშნული ეტაპის დაწყებამდე არა უგვიანეს ოცდაათი დღისა;
- 4.2. საკვალიფიკაციო მოთხოვნები ვრცელდება სუბკონტრაქტორებზე (არსებობის შემთხვევაში).
- 4.3. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 4.4. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.
- 4.5. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 4.6. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 4.7. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.
- 4.8. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან:
- 4.9. სატენდერო კომისიის წევრი: ემა უზნაძე ტელ: (995 32) 248 73 38; ელ-ფოსტა: [e.uznadze@airports.ge](mailto:e.uznadze@airports.ge).

### 5. ფასწარმოქმნის ადეკვატურობა

5.1. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმოქმნის ადეკვატურობის დასაბუთება. პრეტენდენტმა ფასწარმოქმნის ადეკვატურობა და ხარჯთაღრიცხვის ხარისხთან შესაბამისობა უნდა დაასაბუთოს სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული საექსპერტო ბიუროს მიერ მომზადებული დასკვნის საფუძველზე.

**შენიშვნა:** დასკვნაში ცალსახად უნდა იყოს მითითებული, რომ ხარჯთაღრიცხვის ელემენტები შესაბამისობაშია საბაზრო პირობებთან და პრეტენდენტის მიერ შემოთავაზებული ხარჯთაღრიცხვით შესაძლებელია სამუშაოების ხარისხიანად შესრულება. არსებითად სააღბათო ან პირობით შეფასებებზე/დაშვებებზე დაფუძნებული დასკვნა არ იქნება გათვალისწინებული).

5.2. ექსპერტიზის ხარჯებს გაიღებს „პრეტენდენტი“. ექსპერტიზის დასკვნა ატვირთული უნდა იქნას მოთხოვნიდან 10 (ათი) სამუშაო დღის ვადაში.

5.3. პრეტენდენტის მიერ წარდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

## შესყიდვის ობიექტის ტექნიკური პარამეტრები და მოთხოვნები

**შესყიდვის ობიექტს წარმოადგენს: თბილისის საერთაშორისო აეროპორტში ღობის სამონტაჟო სამუშაოების შესყიდვა**

მოსაწყობია 1050 მეტრ სიგრძეზე სტანდარტების შესაბამისი შემოღობვა (იხ. ნახაზი) ყოველ 25 მეტრში მოწყობის გამბჯენები. ღობის მოწყობასთან ერთად კეთდება შემოვლითი გზა როგორც ღობის შიგნით ასევე მის გარეთაც. აღნიშნული გზა დაყოფილია სეგმენტებად და უერთება უკვე არსებულ გზებს. შემოვლითი გზის საფარი ქვიშა ხრეშოვანია. ქვიშა-ხრეშოვანი ნაყარის სისქე ცვალებადია უნდა მოერგოს არსებულ სიტუაციას. შესაძლებელია შემოღობვის და შემოვლითი გზის კონფიგურაციის სამუშაოების მსვლელობის დროს შეიცვალოს ასევე განიცადოს ცვლილებები განფასების ცხრილში მოცემულმა მოცულობებმა. მიმწოდებელმა სამუშაოების დასრულების შემდგომ საბოლოო მიღება-ჩაბარების გაფორმებამდე უნდა წარმოადგინოს საშემსრულებლო ნახაზები.

დამატებითი მოთხოვნები და შენიშვნები:

1. სამუშაო პროცესში გამოყენებული ყველა მასალა უნდა იყოს მაღალის ხარისხის, რაზეც შემსყიდველს უფლება აქვს, სურვილისამებრ მოითხოვოს შესაბამისი სტანდარტის დამადასტურებელი სერთიფიკატი ანდა სხვა დოკუმენტი. შემსრულებელმა ორგანიზაციამ დამკვეთთან წინასწარ უნდა წარმოადგინოს და შეათანხმოს ყველა ძირითადი გამოსაყენებელი მასალების ნიმუშები, ასევე შემსყიდველის შესაბამის წარმომადგენელს მიაწოდოს ინფორმაცია, კონკრეტული სამუშაოს შესრულების ტექნიკური ხერხის/მეთოდის შესახებ. იმ შემთხვევაში, თუ ზემოაღნიშნული ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოსწოროს, წარმოადგინოს სხვა, შემსყიდველისათვის მისაღები მასალა და სამუშაო.
2. მასალები და სამუშაოს შესრულების ტექნოლოგია უნდა იყოს საქართველოში მოქმედი ნორმების და სტანდარტების შესაბამისი.
3. სამუშაოები უნდა განხორციელდეს მშენებლობის უსაფრთხოების წესების მოთხოვნათა სრული გათვალისწინებით.
4. მიმწოდებელმა უნდა უზრუნველყოს ფარული სამუშაოების აქტების სისტემატურად წარმოება შემსყიდველის წარმომადგენლ(ებ)ის მონაწილეობით;
5. მიმწოდებელმა სამუშაოების დასრულების შემდეგ თავისი ძალებით და სახსრებით დროულად გაათავისუფლოს სამუშაო ადგილი მოწყობილობა-დანადგარებისაგან, მასალებისაგან და ა.შ.;
6. მიმწოდებელმა უნდა უზრუნველყოს მისი პერსონალის მიერ აეროპორტის სპეციალური სარეჟიმო მოთხოვნათა დაცვა უსაფრთხოებისა და საავიაციო უშიშროების კუთხით;
7. მიმწოდებელმა უნდა გაითვალისწინოს, რომ სამუშაოები ჩატარდება აეროპორტის სარეჟიმო ტერიტორიაზე, აღნიშნულიდან გამომდინარე ყველა მანქანა-მექანიზმების გადაადგილებისას აეროდრომის საფარი და მიმდებარე ტერიტორია დაცული უნდა იყოს დაზიანება - დაზიანებებისაგან. მიმწოდებელმა უნდა უზრუნველყოს სამშენებლო ნარჩენებისგან ტერიტორიის სისტემატური გაწმენდა.

საგარანტიო ვადა: სამუშაოებზე საგარანტიო ვადა ვრცელდება - ღობეზე არანაკლებ 5 წელი და შემოვლით გზაზე არანაკლებ 2 წელი. გარანტიის პერიოდში ნებისმიერი დაზიანების შემთხვევაში პრეტენდენტი უპირობოდ აღადგენს ან შეცვლის მას თავისი ხარჯით.

## სახელმწიფო შესყიდვის შესახებ ხელშეკრულების პროექტი

ხელშეკრულების პირობები დაზუსტდება გაფორმების დროს  
„ -- “ --- 2016წ.

ქ. თბილისი

ერთი მხრივ,

შპს „საქართველოს აეროპორტების გაერთიანება“ (ქ. თბილისი, სამგორის რაიონში, აეროპორტის დასახლება (აეროპორტი) ს.კ №404 389 693) წარმოდგენილი მისი დირექტორის -----  
--- სახით შემდგომში („შემსყიდველი“)

და მეორე მხრივ,

----- (-----) წარმოდგენილი მისი დირექტორის ----- სახით შემდგომში  
(“მიმწოდებელი”)

‘სახელმწიფო შესყიდვების შესახებ’ საქართველოს კანონის და პრეტენდენტის ----- სატენდერო წინადადების საფუძველზე, ელექტრონული ტენდერის (სატენდერო განცხადების ნომერი: SPA----) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

### 1. ხელშეკრულების საგანი

ხელშეკრულების საგანს წარმოადგენს თბილისის საერთაშორისო აეროპორტის შემოვლითი გზის და ლობის ნაწილის მშენებლობა ტექნიკური დავალების შესაბამისად.

### 2. ხელშეკრულების ღირებულება

- 2.1. ხელშეკრულების საერთო ღირებულება შეადგენს ----- (-----) ლარს.
- 2.2. ხელშეკრულების საერთო ღირებულებაში შედის მიმწოდებლის ყველა ხარჯი, ხელშეკრულებით გათვალისწინებული თანამდევნი ხარჯები და საქართველოს კანონმდებლობით დადგენილი გადასახადები (მ/შ დღგ), რომლის გადახდა ეკისრება მიმწოდებელს.

### 3. შესყიდვის ობიექტის მიღება-ჩაბარების წესი და ანგარიშსწორების პირობები

- 3.1. ანგარიშწორება შესაძლოა განხორციელდეს ეტაპობრივად შესრულებული სამუშაოების მიხედვით, ხელშეკრულებით განსაზღვრული შესაბამისი დოკუმენტაციის (შუალედური მიღება-ჩაბარების აქტი, ფორმა №2 და საგადასახადო ანგარიშგაქტურა და სხვ.) სრულყოფილად წარდგენის შემდგომ.
- 3.2. ხელშეკრულების საერთო ღირებულების 2% დაკავებული იქნება საბოლოო მიღება - ჩაბარების აქტის გაფორმებიდან 1 (ერთი) წლის განმავლობაში, ამ პერიოდში შესაძლო გამოვლენილი ხარვეზების მიმწოდებლის მიერ შეუფერხებლად აღმოფხვრის უზრუნველყოფის მიზნით. თანხის დაკავების ნაცვლად, შესაძლებელია, რომ მიმწოდებელმა წარმოადგინოს შესაბამისი ოდენობის თანხაზე საბანკო დაწესებულების მიერ გაცემული საბანკო გარანტია შემსყიდველთან შეთანხმებული ფორმით, რომელიც მოქმედი იქნება იმავე ვადით - საბოლოო მიღება - ჩაბარების აქტის გაფორმებიდან 1 (ერთი) წლის განმავლობაში.
- 3.3. საბოლოო მიღება-ჩაბარების აქტის გაფორმებამდე შემსყიდველი ორგანიზაცია ჩაატარებს შესრულებული სამუშაოების მოცულობების და ხარისხის თაობაზე შემოწმებას (ექსპერტიზა). სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტირებული საექსპერტო ბიუროს მიერ მომზადებული დასკვნის შინაარსი გათვალისწინებული იქნება საბოლოო მიღება-ჩაბარების აქტის შედგენისა და საბოლოო ურთიერთანგარიშსწორების განსაზღვრისათვის.
- 3.4. წინასწარი ანგარიშსწორება (ავანსი) არ გამოიყენება.
- 3.5. მომწოდებლის მიერ სამშენებლო ვალდებულებების შესრულების კონტროლზე და ხელშეკრულებით გათვალისწინებული მიღება-ჩაბარების აქტების გაფორმებაზე ერთობლივად პასუხისმგებელი პირები არიან: -----

3.6. მიმწოდებლის მხრიდან მიღება-ჩაბარების აქტის ხელმოწერაზე პასუხისმგებელი პირები იქნებიან:

#### 4. შესყიდვის ობიექტის მიწოდების ვადები და სხვა პირობები

- 4.1. სამუშაოების შესრულების (მიწოდების) ვადა არ უნდა აღემატებოდეს ხელშეკრულების გაფორმებიდან 45 (ორმოცდახუთუ) სამუშაო დღეს.
- 4.2. თუ ცხადი ხდება, რომ მიმწოდებელი ვერ შეძლებს მშენებლობის დასრულებას სათანადო ხარისხით და ვადებში, მიმწოდებელი ვალდებულია, შემსყიდველთან შეთანხმებით უმოკლეს ვადაში მოიძიოს ქვეკონტრაქტორ(ებ)ი სამუშაოების გასაგრძელებლად. მიმწოდებელი აცხადებს თანხმობას, რომ ასეთ შემთხვევაში შემსყიდველმა პირდაპირ ასეთ ქვეკონტრაქტორებთან მოახდინოს მიმწოდებლისთვის გადასახდელი თანხების ანგარიშსწორება შესრულებული სამუშაოების შესაბამისად. ამ პუნქტით გათვალისწინებულმა ვითარებამ არ უნდა გამოიწვიოს ამ ხელშეკრულების ღირებულების გაზრდა შემსყიდველისათვის.

#### 5. მხარეთა უფლება-მოვალეობანი

##### 5.1. მიმწოდებელი ვალდებულია:

- 5.1.1. სამუშაოს შესრულებისას დაიცვას საქართველოს მოქმედი კანონმდებლობა, სამუშაო შეასრულოს ხელშეკრულების პირობების შესაბამისად, ჯეროვნად და ხარისხიანად;
- 5.1.2. უმოკლეს ვადაში მიაწოდოს შემსყიდველს მის ხელთ არსებული ინფორმაცია მოსალოდნელ მოვლენებზე ან გარემოებებზე, რომლებსაც შეუძლია უარყოფითად იმოქმედონ ხარისხზე, შეაყოვნონ სამუშაოთა ჩატარება ან გაზარდონ სახელშეკრულებო თანხა;
- 5.1.3. დაუყოვნებლივ შეატყობინოს შემსყიდველს იმ გარემოებათა შესახებ, რომლებიც აბრკოლებენ სამუშაოთა მიმდინარეობას და მის მიერ ნაკისრი სახელშეკრულებო ვალდებულებების სრულფასოვან შესრულებას;
- 5.1.4. შეასრულოს სამუშაო უსაფრთხო და ეკოლოგიურად მისაღები გზით და დაიცვას ამ საკითხთან დაკავშირებით საქართველოს კანონმდებლობით გათვალისწინებული მოთხოვნები. წინააღმდეგ შემთხვევაში სრული პასუხისმგებლობა ეკისრება მიმწოდებელს;
- 5.1.5. წინამდებარე ხელშეკრულებით გათვალისწინებული სამუშაოების მიმდინარეობის პერიოდში უზრუნველყოს მოხმარებული კომუნალური გადასახადების გადახდა.
- 5.1.6. მოქმედი კანონმდებლობის შესაბამისად საკუთარი ხარჯით უზრუნველყოს სათანადო კომუნიკაციის მოწყობა, აბონენტად ან ქვეაბონენტად რეგისტრაცია და აღრიცხვის კვანძის მოწყობა ელექტროენერგიის მოხმარების მიზნით.
- 5.1.7. სამუშაოების შესრულებისას დაასაქმოს კვალიფიციური მუშახელი;
- 5.1.8. უზრუნველყოს ობიექტზე სამუშაოების წარმოება პასუხისმგებელი პირების, ასევე შრომის დაცვისა და უსაფრთხოების ინჟინერის მუდმივი ზედამხედველობით.
- 5.1.9. უზრუნველყოს მშენებლობის პროცესში მესამე პირთა წინაშე წარმოშობილი პასუხისმგებლობის დაზღვევა;
- 5.1.10. საკუთარი ხარჯებით გამოასწოროს მის მიერ ჩატარებულ სამუშაოზე გამოვლენილი დეფექტი ან ნაკლი;
- 5.1.11. სამშენებლო სამუშაოების დასრულების შემდეგ, თუ ეს საჭირო გახდება გზის ექსპლუატაციაში მიღების მიზნით, განახორციელოს დამატებითი სამუშაოები, რომელთა შესახებაც მხარეები დამატებით შეთანხმდებიან;
- 5.1.12. დროულად განიხილოს და აღმოფხვრას მის კომპეტენციაში შემავალი შემსყიდველის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;
- 5.1.13. შეასრულოს ტენდერის ტექნიკური დოკუმენტაციით განსაზღვრული მიმწოდებლის სხვა ვალდებულებები.

## **5.2. შემსყიდველი ვალდებულია:**

- 5.2.1. უზრუნველყოს მიმწოდებლისათვის თანხის გადახდა ამ ხელშეკრულების პირობების შესაბამისად;
- 5.2.2. დროულად განიხილოს და აღმოფხვრას მის კომპეტენციაში შემავალი მიმწოდებლის მიერ წამოჭრილი თუ სხვა პრობლემები, რომლებიც აფერხებს ხელშეკრულების შესრულებას ან რომელთა გადაჭრაც გააუმჯობესებს ხელშეკრულების შესრულების პროცესს;
- 5.2.3. მიაწოდოს მიმწოდებელს ინფორმაცია აეროპორტის მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე;
- 5.2.4. დაიცვას ხელშეკრულებით გათვალისწინებული პირობები.

## **5.3. მიმწოდებელს უფლება აქვს:**

- 5.3.1. ხელშეკრულების შესაბამისად მიიღოს შესრულებული სამუშაოს დროული და სრული ანაზღაურება;
- 5.3.2. ჰქონდეს ინფორმაცია აეროპორტის მუშაობის განრიგში არსებული ისეთი ცვლილებების შესახებ, რომელსაც გავლენა აქვს სამუშაოების მიმდინარეობაზე;
- 5.3.3. მოითხოვოს შემსყიდველისაგან ხელშეკრულების პირობების დაცვა.

## **5.4. შემსყიდველს უფლება აქვს:**

- 5.4.1. აწარმოოს ხელშეკრულების პირობების შესრულების მონიტორინგი;
- 5.4.2. აცნობოს მიმწოდებელს სამუშაოს შესრულების დროს აღმოჩენილი რაიმე წუნის შესახებ და მოითხოვოს მისი გამოსწორება;
- 5.4.3. მოსთხოვოს მიმწოდებელს ხელშეკრულების ჯეროვანი, დროული და კეთილსინდისიერი შესრულება.

## **6. ხელშეკრულების პირობების გადასინჯვა**

- 6.1. ხელშეკრულებაში ნებისმიერი ცვლილება უნდა გაფორმდეს მხარეთა მიერ წერილობითი ფორმით, ორივე მხარის მიერ ხელმოწერილი დამატებითი შეთანხმებით, რომელიც ამ ხელშეკრულების განუყოფელი ნაწილი იქნება.
- 6.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 6.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

## **7. მხარეთა პასუხისმგებლობა ხელშეკრულების დარღვევისას**

- 7.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 7.2. ხელშეკრულებით ნაკისრი ვალდებულებების დროულად და ჯეროვნად შეუსრულებლობის შემთხვევაში, დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ვალდებულების შეუსრულებელი ნაწილის 0.1 %-ის ოდენობით.
- 7.3. პირგასამტეხლოს გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.

## **8. გარანტია**

- 8.1. სამუშაოებზე საგარანტიო ვადა ვრცელდება - ღობეზე არანაკლებ 5 წელი და შემოვლით გზაზე არანაკლებ 2 წელი. გარანტიის პერიოდში ნებისმიერი დაზიანების შემთხვევაში პრეტენდენტი უპირობოდ აღადგენს ან შეცვლის მას თავისი ხარჯით.
- 8.2. გარანტია მთელი ვადის განმავლობაში გულისხმობს და მოიცავს როგორც შეკეთებას, ასევე ახლით შეცვლას საჭიროებისამებრ. გარანტია მოიცავს როგორც თავად საქონელს, ისე პირდაპირ (რემონტი, მონტაჟი, დემონტაჟი და მისთ.) და არაპირდაპირ (ტრანსპორტირება და მისთ.) მომსახურებას და სამუშაოს.

- 8.3. საგარანტიო ვადის დინება იწყება საბოლოო მიღება-ჩაბარების აქტის გაფორმების თარიღიდან.
- 8.4. საგარანტიო ვადის განმავლობაში მიმწოდებელი ვალდებულია, საკუთარი ხარჯებით უზრუნველყოს ექსპლუატაციის პროცესში გამოვლენილი დეფექტის აღმოფხვრა, გარდა იმ შემთხვევებისა, როცა დეფექტი მიყენებულია არასწორი ექსპლუატაციის, მექანიკურად დაზიანების ან მიმწოდებლისაგან დამოუკიდებელი სხვა მიზეზების გამო.
- 8.5. თუ გარანტიის ობიექტის ნორმალური ექსპლუატაციის პირობებში გარანტიის ობიექტი მთლიანად ან მისი ცალკეული სისტემა ან ცალკეული დეტალი სისტემატურად ზიანდება, გამოდის მწყობრიდან ან შეუძლებელი ხდება მისი შემდგომი ექსპლუატაცია, იგულისხმება, რომ იგი უხარისხოა. ასეთ შემთხვევაში, მიმწოდებელი ვალდებულია საკუთარი ხარჯებით შეცვალოს დეტალი ან მოწყობილობა.
- 8.6. თუ მხარეები ვერ შეთანხმდებიან საგარანტიო პერიოდში გამოვლენილი დეფექტის გამომწვევი მიზეზების დადგენასთან დაკავშირებით, შესაძლებელია ჩატარდეს დამოუკიდებელი ექსპერტიზა. თუ გამოვლინდება, რომ მიმწოდებელია ვალდებული, გამოასწოროს დეფექტი, მაშინ ექსპერტიზის ხარჯები დაეკისრება მიმწოდებელს. თუ გამოვლინდება, რომ მიმწოდებელი არ არის ვალდებული, გამოასწოროს დეფექტი, ექსპერტიზის ხარჯები დაეკისრება შემსყიდველს.

## **9. ზოგადი დებულებები**

- 9.1. მხარეები ხელმძღვანელობენ ურთიერთპატივისცემის პრინციპით. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 9.2. ხელშეკრულებით გაუთვალისწინებელი პირობები დარეგულირდება მხარეთა შორის წერილობითი შეთანხმების გაფორმებით ანდა საქართველოს მოქმედი კანონმდებლობით.
- 9.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია. კონფიდენციალურად მიიჩნევა ინფორმაცია, რომლის კონფიდენციალურობის შესახებაც ეცნობა მხარეს მეორე მხარის მიერ. კონფიდენციალურობის დარღვევად არ ჩაითვლება შემთხვევა, როდესაც ინფორმაციის გამჟღავნება გათვალისწინებულია კანონმდებლობით.
- 9.4. მიმწოდებელს არა აქვს უფლება გადასცეს მესამე პირს თავისი უფლებები და მოვალეობები, შემსყიდველის წინასწარი წერილობითი თანხმობის გარეშე.
- 9.5. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 9.6. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 9.7. ხელშეკრულების ინტერპრეტაციისათვის ანდა მასში ხარვეზის არსებობისას, გამოიყენება საქართველოს კანონმდებლობის ნორმები.

## **10. ფორს-მაჟორი**

- 10.1. მხარეები თავისუფლდებიან ვალდებულების დარღვევით გამოწვეული პასუხისმგებლობისაგან, თუ ასეთი დარღვევა გამოწვეულია ისეთი დაუძლეველი ძალის ზემოქმედებით (ფორსმაჟორული გარემოება), რომლის წინაწარ გათვალისწინება ანდა გონივრული მეთოდებით გადალახვა შეუძლებელია. ასეთი გარემოებებია (და არამხოლოდ) მიწისძვრა, ხანძარი, ქარიშხალი, დიდთოვლობა, წყალდიდობა, ეპიდემია, სამხედრო მოქმედებები, მესამე პირების გაფიცვები, სახელმწიფოს ცენტრალური ან ადგილობრივი ორგანოების გადაწყვეტილება ან გადაწყვეტილების არარსებობა, კანონმდებლობაში შესული ცვლილებები და მისთანანი.
- 10.2. ფორსმაჟორული გარემოების არსებობა უნდა იყოს საყოველთაოდ ცნობილი ან დადასტურებული უნდა იყოს კომპეტენტური ორგანოსა თუ დაწესებულების მიერ ოფიციალურად.
- 10.3. მხარე ვალდებულია, პირველივე შესაძლებლობისთანავე შეატყობინოს მეორე მხარეს ფორსმაჟორული გარემოების დადგომის შესახებ. წინააღმდეგ შემთხვევაში, მას უფლება ერთმევა, ვალდებულების შეუსრულებლობა გაამართლოს ფორსმაჟორზე მითითებით.
- 10.4. თუ ფორსმაჟორული გარემოება გრძელდება იმდენ ხანს (მაგრამ უწყვეტად არანაკლებ 10 და ჯამურად ხელშეკრულების მოქმედების ვადაში არანაკლებ 30 კალენდარული დღისა), რომ მისი მიზეზით ვერშესრულებადი ვალდებულების შეუსრულებლობა მხარის მიერ მეორე მხარისათვის

ინტერესს უკარგავს ამ ხელშეკრულების კვლავ არსებობას, ამ მეორე მხარეს შეუძლია ცალმხრივად შეწყვიტოს ეს ხელშეკრულება. პირველ მხარეს არ აქვს უფლება მოითხოვოს ასეთი შეწყვეტით გამოწვეული ზიანის ანაზღაურება.

10.5. მხარეებს შეუძლიათ, ფორს-მაჟორის დადგომის შემთხვევაში, ურთიერთშეთანხმებით შეწყვიტონ, შეაჩერონ ან შეცვალონ ეს ხელშეკრულება.

### **11. ხელშეკრულების ვადა, შეწყვეტა**

11.1. წინამდებარე ხელშეკრულება ძალაში შედის მხარეების მიერ მისი ხელმოწერისთანავე და ძალაშია მხარეთა მიერ მათზე დაკისრებული ვალდებულებების სრულ შესრულებამდე, მაგრამ არაუგვიანეს -----

11.2. ხელშეკრულება შეიძლება შეწყვეტილ იქნას:

11.2.1. ურთიერთვალდებულებების შესრულებით;

11.2.2. მხარეთა შეთანხმებით;

11.2.3. ცალმხრივად შემსყიდველის მიერ, თუ მიმწოდებელი უხეშად ან/და არაერთგზის დაარღვევს თავის სახელშეკრულებო ვალდებულებას;

11.2.4. ცალმხრივად მომწოდებლის მიერ, თუ შემსყიდველი ერთ თვეზე მეტი ვადით აგვიანებს ორმხრივად ხელმოწერილი მიღება-ჩაბარების აქტის საფუძველზე გადასახდელი თანხების სრულად გადახდას.

11.2.5. საქართველოს მოქმედი კანონმდებლობით გათვალისწინებულ სხვა შემთხვევებში.

11.3. ხელშეკრულების ცალმხრივად შეწყვეტის შემთხვევაში, მხარემ შეწყვეტამდე 10 დღით ადრე უნდა აცნობოს მეორე მხარეს ამის შესახებ.

11.4. თუ 13.1. პუნქტში განსაზღვრული ხელშეკრულების ვადის ამოწურვის დროისათვის დარჩენილია გამოუსწორებელი ხარვეზები, მხარეები შესაბამისი ვადით გააგრძელებენ ხელშეკრულების მოქმედებას. ეს პუნქტი არ ახდენს გავლენას ხელშეკრულების ცალმხრივად შეწყვეტის უფლებაზე.

### **12. დასკვნითი დებულებები**

12.1. წინამდებარე ხელშეკრულება შედგენილი და მხარეთაგან ხელმოწერილია შევსებული სახით ორ თანაბარი იურიდიული ძალის მქონე ეგზემპლარად თითოეული მხარისთვის;

12.2. წინამდებარე ხელშეკრულებას ერთვის – ხარჯთაღრიცხვა და ტექნიკური დავალება. აღნიშნული დანართები წარმოადგენს ხელშეკრულების განუყოფელ ნაწილს.

### **13. მხარეთა რეკვიზიტები**

„შემსყიდველი“

„მიმწოდებელი“

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

---

(თანამდებობა, სახელი, გვარი)

---

(ხელმოწერა)

სატენდერო წინადადების ფასი და ხარჯთაღრიცხვა

სამუშაოს გთავაზობთ

\_\_\_\_\_ (\_\_\_\_\_) ლარად.  
(თანხა ციფრებით) (თანხა სიტყვიერად)

\_\_\_\_\_  
(შეესების თარიღი)

(პრეტენდენტის დასახელება)